



UPA 2026/100

29/4-2026

Margrethe Thårup Andersen

**Meeqqat atuarfianni annerni aalisarneq piniarnerlu pillugit siunnersorneqartarnerat qanoq nukittorsarneqarsinnaanersoq iliuusissatut pilersaarummik Naalakkersuisut peqquneqarnissaannik Inatsisartut aalajangiiffigisassaattut siunnersuut, aalisarnermik ilinniartitaanermut sulisussarsiortarnerup annertusarneqarnissaa kiisalu Kalaallit Nunaata imarsiornerup iluani piginnaasaasa nukittorsarneqarnissaat siunertaralugu. Siunnersuut EM2026-imut tunniunneqassaaq.**

(Inatsisartunut ilaasortaq Jens NapätôK', Naleraq)

(Siullermeerineq)

Inatsisartunut ilaasortap Jens NapätôK'-p siunnersuutaanut qujanaq.

Aalisarneq, imarsiornerullu iluani inuussutissarsiuteqarneq kinguaariinni inuiaqatigiinnitsinnik napatitseqataapput. Aningaasaqarnitsinni pingaaruteqaannangillat, aammali kinaassutsitsinnut, kulturitsinnut, inooriaasitsinnullu ilaalluinnarlutik. Ilaqutariippassuit imaq suliffigalugu peroriartorput, inuussutissarsiutaavorlu siunissamut sulii annertuunik periarfissaqartoq.

Tungavik tamanna piginnarusullugulu ineriartortikkusukkutsigu kinguaariinni tullit imarsiornermik inuussutissarsiuteqarnermik ilisimasaqartariaqarlutillu soqutiginnittariaqarput. Tamanna immi takkunneq ajorpoq. Inuusuttortagut periarfissaviit pillugit paasisimasaqarnissaannut inuiaqatigiittut akisussaaffimmik tiguisariaqarpugut, aqutissallu taakkua ersarissuutissinnaasariaqarlutigillu pilerinarsarsinnaasariaqarlutigit.

Meeqqat atuarfiat qitigulluinnarpoq. Inuunermi aqutissat assigiinngitsut inuusuttorpassuit tassani siullermeertumik nalaattarpaat, tassanissaarlu inuussutissarsiutinut immaqa isumaliutigineqartussaangikkaluartunut tikkuusseqataasinnaalluta. Atuartitsinerup, inuussutissarsiutillu inuiaqatigiinnitsinnik napatitsisut akornanni pitsaannerusumik ataqatigiissitsisoqarneratigut, atuartut kajumissuseq, paasisutissanillu tungavilimmik siunissartik pillugu aalajangiisinaanerat nukittorsassavarput.

Inuussutissarsiutinut ataatsimut atugarissaarnitsinnik qulakkeerinneqataasunut ataqqinninnissamut aamma tungassuteqarpoq. Aalisarneq, imarsiornermillu ilinniartiit inuussutissarsiutaapput qitiusut, pingaaruteqartullu eqqumaffigissallugit, paasisimasaqarfigissallugit, tulluusimaarutigissallugillu pissutissaqartut.

Ilutigisaanik siunissamut ungasinnerusumut eqqarsarnissarput pingaaruteqarpoq. Piginnaasat pisariaqartut siunissami aamma piginissaat qulakkeerusukkutsigu, siusissumik aallartittariaqarpugut. Inuussutissarsiutinik taakkuninnga inuusuttut inuussutissarsiuteqalernissaminnik periarfississallutigit, inuiaqatigiinnullu tamanut

UPA 2026/100

J.nr 00.00.00/26FM-LABU-00100

Qupp. 1



pingaaruteqassusiannik paasitissallutigit.

Taamatut oqaaseqarlunga siunnersuut Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliamit nangillugu oqaluuserineqarnissaanut innersuussutigarpur.